

Cuntrasti

Ciculu 1

Ogettivu : - Favurizà a spressione è a cumunicazione

Materiale : - Duie mariunette : quella di a mamma è quella di Cappuccinella Rossa.

Sbucinera : U maestru prupone un cuntrastu da fà mette in scena da i zitelli. Si puderebbe dinò fà creà u cuntrastu da i zitelli da per elli di modu cullettivu.

Cuntrastu GS

A MAMMA (*davanti à a casa, a mamma chjama*) : « O Cappuccinè induve sì ? »

CAPPUCCINELLA ROSSA (risponde) : « Sò quì, mi ghjocu fora, chì voli o mà ? »

A MAMMA : **Mammone hè malata, portali stu spurtellu.**

CAPPUCCINELLA ROSSA : **Partu subitu o mà.**

A MAMMA : **Attenti à u lupu in furesta ! Ùn ti piantà ! Fila a to strada !**

CAPPUCCINELLA ROSSA : **Hè detta o mà !**

Cuntrastu PS MS

CAPPUCCINELLA ROSSA : « Tamant'ochji chè t'ai ! »

U LUPU (maestru) : « Hè per vedeti megliu a mo figliulella »

CAPPUCCINELLA ROSSA : « Tamant'arechje chè t'ai ! »

U LUPU (maestru) : « Hè per senteti megliu a mo figliulina »

CAPPUCCINELLA ROSSA : « Tamante bracce chè t'ai ! »

U LUPU (maestru) : « Hè per abbracciatti megliu a mo figliulina »

CAPPUCCINELLA ROSSA : « Tamanti denti chè t'ai ! »

U LUPU (maestru) : « Hè per manghjatti meeeeeeeeeeeeeeeegliu a mo figliulina ! »